




Богослужения мирянским чином

Чин Торжества Православия

Первая седмица Великого поста



После Обедницы (Изобразительных) полагаем иконы Спасителя и Богоматери на аналое посреди церкви.

Старший:

Молитвами **С**вя**т**ых **О**тец **н**аших, **Г**осподи **И**исусе **Х**ристе **Б**оже наш, помилуй нас.

Братия:

Аминь.

Старший:

Слава Тебе Боже наш, слава Тебе.

Братия поют:

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Старший:

Святой Боже, Святой Крепкий, Святой Безсмертный, помилуй нас. —**3 раза**—

Слава Отцу и Сыну и Святому Духу, и ныне и присно и во веки веков.

Аминь.

Пресвятая Троице, помилуй нас. Господи, очисти грехи наша. Владыко, прости беззакония наша. Святой, посети, исцели немощи наша Имени Твоего ради.

Господи, помилуй. Господи, помилуй. Господи, помилуй.

Слава Отцу и Сыну и Святому Духу, и ныне и присно и во веки веков.

Аминь.

Братия:

Отче наш! Иже еси на Небесех. Да святится Имя Твое. Да приидет Царствие Твое. Да будет воля Твоя, яко на Небеси и на земли. Хлеб наш насущный даждь нам днесь. И остави нам долги наша, якоже и мы оставляем должником нашим. И не введи нас во искушение. Но избави нас от лукаваго. **А**минь.

Старший:

Господи, Иисусе Христе, Сыне Божий, помилуй нас.

Братия:

Аминь.

Братия:

Господи, помилуй (12).

Старший:

Слава Отцу и Сыну и Святому Духу, и ныне и присно и во веки веков.

Аминь.

Приидите, поклонимся Цареву нашему Богу.

Приидите, поклонимся и припадем Христу, Цареву нашему Богу.

Приидите, поклонимся и припадем Самому Христу, Цареву и Богу нашему.



Чтец – читает псалом 74-й:

Исповемыся тебе, Боже, исповемыся тебе и призовем имя твое; повем вся чудеса твоя. Егда прииму время, аз правоты возсужду. Растаяся земля и вси живущии на ней, аз утвердих столпы ея. Рех беззаконующим, не беззаконуйте; и согрешающим, не возносите рога. Не воздвизайте на высоту рога вашего и не глаголите на Бога неправду; яко ниже от исход, ниже и запад, ниже от пустых гор. Яко Бог судия есть; сего смиряет, и сего возносит. Яко чаша в руце Господни, вина неразтворена исполнь растворения, и уклони от сея в сию; обаче дрождие его не истощися, испиют вси грешнии земли. Аз же возрадуюся в век, воспою Богу иаковлю; и вся роги грешных сломлю, и вознесется рог праведнаго.

Старший:

Бог Господь и явися нам, благословен Грядый во имя Господне.

Братия:

Бог Господь и явися нам, благословен Грядый во имя Господне.

Старший:

Исповедайтесь Господеви, яко благ, яко в век милость Его.

Братия:

Бог Господь и явися нам, благословен Грядый во имя Господне.

Старший:

Обышедше обыдоша мя, и именем Господним противляхся им.

Братия:

Бог Господь и явися нам, благословен Грядый во имя Господне.

Старший:

Не умру, но жив буду, и повем дела Господня.

Братия:

Бог Господь и явися нам, благословен Грядый во имя Господне.

Старший:

Камень, егоже небрегоша зиждущии, сей бысть во главу угла: от Господа бысть сей, и есть дивен во очесах наших.

Братия:

Бог Господь и явися нам, благословен Грядый во имя Господне.

Тропарь, глас 4-й:

Благодарни суще недостойнии раби Твои, Господи,/ о Твоих великих благодеяниях, на нас бывших,/ славяще Тя, хвалим, благословим, благодарим, поем и величаем Твое благоутробие/ и рабски любовию вопием Ти:// Благодетелю, Спасе наш, слава Тебе.

Слава Отцу и Сыну и Святому Духу, глас 3-й:

Твоих благодеяний и даров туне/ яко раби непотребнии, сподобльшися, Владыко,/ к Тебе усердно притекающе,/ благодарение по силе приносим/ и Тебе яко Благодетеля и Творца славяще, вопием:// слава Тебе, Боже Прещедрый.

И ныне и присно и во веки веков, Аминь глас 4-й:

Якоже вышния тверди благолепие,/ и нижнюю споказал еси красоту святаго селения славы Твоея, Господи,/ утверди сие во век века/ и приими наша в нем непрестанно приносимая Тебе моления Богородицею,// всех Животе и Воскресение.

Чтец: Прокимен, глас 4-й:

Насаждени в дому Господни,// во дворех Бога нашего процветут.

Стих: Веселитесь, праведнии, о Господе, правым подобает похвала.



Чтец:

К римлянном послания святого апостола Павла чтение:

Старший:

Вонмем. Братия...

Апостол - Рим., зач. 121, XVI, 17-20.

Братия:

Аллилуиа, Аллилуиа, Аллилуиа.

Чтец – читает 1-й стих

Спаси мя, Господи, яко оскуде преподобный.

Братия:

Аллилуиа, Аллилуиа, Аллилуиа.

Чтец – читает стих

Помилуй мя Господи, яко немощен есмь.

Братия:

Аллилуиа, Аллилуиа, Аллилуиа.

Братия:

Господи помилуй, Господи помилуй, Господи помилуй.

Старший:

От Матфея Святаго Евангелия чтение.

Братия:

Слава Тебе, Господи, слава Тебе. **-поклон-**

Старший:

Вонмем.

Евангелие - Мф., зач. 75, XVIII, 10-18.

Братия:

Слава Тебе, Господи, слава Тебе. **-поклон-**

Братия:

Господи, помилуй (12).

Певцы: Аминь.

Старший, возглашает:

Кто бог велий, яко Бог наш?

Братия:

Ты еси Бог, творяй чудеса Един.

Потом высшим гласом:

Кто бог велий, яко Бог наш?

Братия:

Ты еси Бог, творяй чудеса Един.

И еще высочайшим гласом:

Кто бог велий, яко Бог наш?

Братия:

Ты еси Бог, творяй чудеса Един.



И продолжает Старший:

Православия день празднующе, православнии людие, наипаче прославим Виновника всех благ Бога, Иже Сый благословен во веки. Сей Бог наш, промысля и утверждая возлюбленное Свое достояние - Святую Церковь, праявляя, преступлением отпадших, утешая неложным Своим словом, еще в рай основание ей положи. Сей Бог наш, руководствуя ко оному спасительному обетованию, не прикровенна Себе остави, но хотящее быти спасение провозвести первее чрез отцев и пророков, живописа различными образы. Сей Бог наш, многочастне и многообразие древле глаголавый отцем во пророках, в последок дний сих глагола нам в Сыне, Имже и веки сотвори, Иже возвести Отчее о нас благоволение, открытаинства Небесная, увери силою Святаго Духа о истине благовестия, посла апостолы во весь мир проповедати Евангелие Царствия, утверди оное различными силами и чудесы. Сему спасительному откровению последующе, сего благовестия держащеся,-

Веруем во Единого Бога Отца, Вседержителя, Творца Небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца рожденного прежде всех век: Света от Света, Бога Истинна от Бога Истинна, рожденна, несотворенна, Единосущна Отцу, Имже вся быша. Нас ради, человек, и нашего ради спасения сшедшаго с Небес, и воплотившагося от Духа Свята и Марии Девы, и вочеловечшася. Распятого же за ны при Понтийстем Пилате, и страдавша, и погребенна. И воскресшаго в третий день, по Писанию. И возшедшаго на Небеса, и седяща одесную Отца. И паки грядущаго со славою, судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во Едину Святую Соборную и Апостольскую Церковь. Исповедуем едино крещение во оставление грехов. Чаем воскресения мертвых. И жизни будущаго века. Аминь.

Сия вера апостольская, сия вера отеческая, сия вера православная, сия вера вселенную утверди. **Е**ще же Соборы святых отец и их предания и писания, Божественному Откровению согласная, приемлем и утверждаем.

Аще же сему Господню о нас промыслению и откровению спасительному врази православия и противишася, но помяну Господь поношения раб своих: хульники бо славы Своея поруга, и проредзатели и враги Православия боязненны и бежатели яви.

Якоже убо пленяющих разум свой в послушание Божественному откровению и подвизавшихся за оное ублажаем и восхваляем: тако противящихся сей истине, аще ожидавшему их обращения и раскаяния Господу не покаяшася, Священному Писанию последующее и первенствующия Церкви преданий держашеся, отлучаем и анафематствуем.

Далее возглашаем анафематствование. Запись анафемствования со службы настоятеля церкви Иоанна Богослова в Торонто отца Олег Моленко – от 29 февраля 2004 года
<http://www.omolenko.com/audio/Anafema.mp3>

Всем же о Православии подвизавшимся словесы, писании, учении, страдании и богоугодным житием, яко защитником и пособником онаго, Христова Церковь, нынешнее воспоминание творящи, восклицает:

Святому благоверному и равноапостольному царю Константину и матери его Елене, православным греческим царем: Великому Феодосию, Феодосию Юннейшему, Иустиниану, и прочым православным царем и царицам греческим, вечная память.

Братия поют: Вечная память (трижды).



Благоверному и равноапостольному великому князю Владимиру, благоверней великой княгине Российской Ольге, и прочим благоверным царем и великим князем, царицам и великим княгиням, и всем от рода царей и великих князей Российских преставльшимся, вечная память.
Братия поют: Вечная память (трижды).

Святейшим православным Патриархом Константинопольским, Александрийским, Антиохийским, Иерусалимским и Всероссийским и Преосвященным митрополитом, архиепископом и епископом православным, вечная память.
Братия поют: Вечная память (трижды).

Пострадавшим и убиенным в различных походах за православную веру и Отечество князем, бояром, христоименитому воинству, и всем православным христианом, в истинней вере и благочестии и в надежди воскресения скончавшимся, вечная память.
Братия поют: Вечная память (трижды).

Всем пострадавшим и убиенным за жуткое время безцарствия от богоборцев, от отступник, от сергиевского синода, вечная память.
Братия поют: Вечная память (трижды).

Православная Христова Церковь, торжественно воспоминаючи подвизавшихся во благочестии, и сие всем своим христоименитым чадам к подражанию представляючи, имеет такожде долг восхваляти подвиги сих, иже ныне, спасительною верою и добродетелию приуготовляюще себе к вечному блаженству, утверждают Православие.

Старший возглашает:

Всем истинным архиереям, иереям и в монашестве подвизающимся, стоящим в истине и истинном благочестии, многая лета.
Братия поет: Многая лета (трижды).

Старший возглашает:

Всем верным чадам Единой Святой Соборной и Апостольской Церкви, по Промыслу и благословению Божьему ныне руководимой воскрешенным Богом Святым Апостолом и Евангелистом Иоанном Богословом, являющимся Первоиерархом, многая лета.
Братия поет: Многая лета (трижды).

Старший:

Святая Троице, сих прослави и утверди даже до конца в правоверии; развратники же и хульники православныя веры и Христовы Церкви и не повинующияся оней обрати, и сотвори, да приидут в познание вечныя Твоя истины, молитвами Пресвятыя Владычицы нашей Богородицы и Приснодевы Марии, Святаго Великаго Апостола любви и Евангелиста Иоанна Богослова и всех святых, Аминь.

Старший:

Слава Отцу, и Сыну, и Святому Духу, и ныне и присно и во веки веков.

Братия:

Аминь.



И поют песнь святого Амвросия Медиоланского:

Тебе, Бога, хвалим,/ Тебе Господа исповедуем,/ Тебе Превечного Отца вся земля величает;/ Тебе вси Ангели,/ Тебе Небеса и вся Силы,/ Тебе Херувими и Серафими непрестанными гласы взывают:/ Свят, Свят, Свят Господь Бог Саваоф,/ полны суть Небеса и земля величества славы Твоея,/ Тебе преславный апостольский лик,/ Тебе пророческое хвалебное число,/ Тебе хвалит пресветлое мученическое воинство,/ Тебе по всей вселенной исповедует Святая Церковь,/ Отца непостижимаго величества,/ покланяемого Твоего истинного и Единородного Сына/ и Святого Утешителя Духа./ Ты, Царю славы, Христе,/ Ты Отца Присносущный Сын еси:/ Ты, ко избавлению приемля человека,/ не возгнушался еси Девическаго чрева;/ Ты, одолев смерти жало,/ отверзл еси верующим Царство Небесное;/ Ты одесную Бога седиши во славе Отчей,/ Судия приити веришися./ Тебе убо просим:/ помози рабом Твоим,/ ихже честною Кровию искупил еси./ Сподоби со святыми Твоими в вечней славе Твоей царствовать./ Спаси люди Твоя, Господи,/ и благослови достояние Твое,/ исправи я и вознеси их во веки:/ во вся дни благословим Тебе/ и восхвалим имя Твое во век и в век века./ Сподоби, Господи, в день сей без греха сохранитися нам./ Помилуй нас. Господи, помилуй нас:/ буди милость Твоя, Господи, на нас,/ якоже уповахом на Тя;/ на Тя, Господи, уповахом,// да не постыдимся во веки. Аминь.

Во время пения все целуют святые иконы на аналоях.

Братия:

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Братия:

Слава Отцу и Сыну и Святому Духу. И ныне и присно и во веки веков. Господи помилуй, Господи помилуй, Господи помилуй. Благослови.

Старший:

Воскресый из мертвых Господи Иисусе Христе Сыне Божий, молитвами Пречистыя Своея Матере, святого Апостола любви Иоанна Богослова и прочих святых и всехвальных Апостол, святого (имя святого данного дня), святых и праведных Богоотец Иоакима и Анны и всех святых, помилуй и спаси нас, яко благ и человеколюбец.

Братия:

Аминь.